

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 16.04.2019թ. թիվ 1909351985 որոշումն անփոփոխ, իսկ վարչական բողոքն առանց բավարարման թողնելու մասին

<<26>> 04 2019թ. 17-13 2170

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Կարլոս Կոստանյանի 40674-19 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Պուշկինի փողոցի 60 շենքի 43 բնակարանի բնակիչ Կարլոս Կոստանյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 16.04.2019թ. թիվ 1909351985 որոշումը՝ նշելով, որ առջևում եղել է խոչընդոտ՝ կայանված տրանսպորտային միջոց, որի պատճառով հարկադրված հատել է հոծ գիծը:

Դիմումի քննարկման արդյունքում պարզվել է, որ դիմումատուի բողոքն անհիմն է և ենթակա է մերժման հետևյալ պատճառաբանությամբ.

Դիմումի շարադրանքից հետևում է, որ դիմումատուն ամբողջությամբ չի ուսումնասիրել վարչական տույժ նշանակելու մասին որոշումը, քանի որ դիմումատուն վարչական պատասխանատվության է ենթարկվել ոչ թե 1.1 հոծ գիծ գծանշումը հատելու համար, այլ 5.15.1՝ «Երթևեկության ուղղությունները գոտիներով» ճանապարհային նշանով չթույլատրված ուղղությամբ երթևեկելու համար:

Երևան քաղաքի Զաքիյան – Խորենացի փողոցների խաչմերուկի հատվածը կահավորված է 5.15.1՝ «Երթևեկության ուղղությունները գոտիներով» ճանապարհային նշանով, իսկ Ճանապարհային ոստիկանության վարչական տույժ նշանակելու մասին 16.04.2019թ. թիվ 1909351985 որոշման մաս կազմող իրավախախտումն ամրագրած տեսանյութը փաստում է, որ դիմումատուն 25.03.2019թ-ին ժամը՝ 15:12-ին նշված վայրում միայն աջ թույլատրող երթևեկության գոտուց երթևեկել է ուղիղ, հետևաբար թույլ տվել Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասով նախատեսված արարք:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 16.04.2019թ. թիվ 1909351985 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Կարլոս Կոստանյանին:

